



BOSNIA AND HERZEGOVINA
MINISTRY OF FINANCE
AND TREASURY

Na osnovu člana 61. Zakona o upravi ("Službeni glasnik BiH", br. 32/ 02 i 102/09), a u vezi člana 16. Zakona o finansiranju institucija Bosne i Hercegovine ("Službeni glasnik BiH", br. 61/04, 49/09, 42/12, 87/12 i 32/13) i člana 20. Zakona o budžetu institucija Bosne i Hercegovine i međunarodnih obaveza Bosne i Hercegovine za 2018. godinu ("Službeni glasnik BiH", br. 8/18), Ministar finansija i trezora donosi

INSTRUKCIJU
za prestrukturisanje rashoda budžetskih korisnika za 2018. godinu

I

(Predmet Instrukcije)

(1) Ovom Instrukcijom utvrđuje se postupak i način prestrukturisanja rashoda budžetskih korisnika u okviru ukupnog iznosa odobrenog svakom pojedinom budžetskom korisniku u skladu sa Zakonom o budžetu institucija Bosne i Hercegovine i međunarodnih obaveza Bosne i Hercegovine za 2018. godinu.

II

(Postupak i način ostvarivanja prava)

(1) Budžetskom korisniku Ministarstvo finansija i trezora BiH može odobriti prestrukturisanje rashoda unutar ukupnog iznosa odobrenog u Budžetu 2018. godine za tog budžetskog korisnika.

(2) Sredstva na poziciji 611100 – Bruto plate i naknade ne mogu se prestrukturisati u druge namjene, osim u slučaju izmjene propisa koji je u direktnoj vezi s bruto plaćama i naknadama.

(3) Sredstva predviđena za kapitalne izdatke ne mogu se prestrukturisati u druge namjene, ali unutar istih se mogu prestrukturisati rashodi.

III

(Sadržaj zahtjeva za prestrukturisanje rashoda)

(1) Zahtjev za prestrukturisanje rashoda sastoji se iz dva dijela:

1. Obrasca zahtjeva za prestrukturisanje rashoda i
2. Obrazloženja.

IV

(Obrazac zahtjeva za prestrukturisanje rashoda)

(1) Obrazac zahtjeva za prestrukturisanje rashoda nalazi se u prilogu ove Instrukcije i čini njihov sastavni dio.

V

(Obrazloženje zahtjeva za prestrukturisanje rashoda)

(1) Obrazloženje zahtjeva za prestrukturisanje rashoda sačinjava se u pisanoj formi i sastoji se iz dva dijela. Prvi predstavlja sveobuhvatnu analizu kojom se objašnjava zbog čega je došlo do potrebe prestrukturisanja rashoda, na analitičkim i sintetičkim kontima, a drugi dio predstavlja projekciju trošenja u narednom periodu uz potrebna pojašnjenja ponuđenih predviđanja.

VI

(Odluka o prestrukturisanju rashoda)

(1) Ministarstvo finansija i trezora BiH prilikom razmatranja zahtjeva za prestrukturisanje rashoda vodi računa o provođenju politika, koje su se utvrđene za pojedine vrste rashoda.

(2) Nakon izvršene analize Ministarstvo finansija i trezora BiH donosi odgovarajuću odluku (da li prihvata zahtjev u cjelosti, djelimično ili odbacuje) i o tome obavještava budžetskog korisnika (podnosioca zahtjeva za prestrukturisanje rashoda).

(3) Ministarstvo finansija i trezora BiH može, takođe, odobriti prestrukturisanje rashoda budžetskom korisniku i u slučaju kada se prestrukturisanje rashoda vrši na osnovu posebnih odluka Vijeća ministara BiH.

VII

(Promjena operativnog/dinamičkog plana budžetskog korisnika)

(1) Prilikom donošenja odluke o prestrukturisanju rashoda, Ministarstvo finansija i trezora BiH izvršiće potrebna umanjjenja po ekonomskim kategorijama operativnog/dinamičkog plana u Informacionom sistemu finansijskog upravljanja (ISFU) u mjesecu u kojem se donosi odluka.

(2) Nakon prijema odluke o prestrukturisanju rashoda budžetski korisnik je dužan izvršiti potrebne promjene u operativnom/dinamičkom planu u skladu sa Instrukcijama o načinu sačinjavanja operativnih planova za izvršavanje Budžeta institucija BiH za 2018. godinu i o načinu praćenja programa posebne namjene broj 05-02-2-1567-2/18 i iste dostaviti Ministarstvu finansija i trezora BiH na dalji postupak.

VIII

(Dostavljanje)

(1) Ova Instrukcija dostaviće se svim budžetskim korisnicima i objaviti na web-stranici Ministarstva finansija i trezora Bosne i Hercegovine i iste će se primjenjivati na sva prestrukturisanja rashoda budžetskih korisnika u okviru ukupno odobrenog Budžeta institucija Bosne i Hercegovine i međunarodnih obaveza Bosne i Hercegovine za 2018. godinu.

IX
(Završne odredbe)

Instrukcija stupa na snagu danom donošenja.

Broj: 05-02-2-1641-2/18
Sarajevo, 09.02.2018. godine

MINISTAR
Vjekoslav Bevanda, s.r.

PRILOG:
Obrazac zahtjeva za prestrukturisanje rashoda